



Nozibele haima Nesya Nzwiri Isathu

-  Tessa Welch
-  Wiehan de Jager
-  Amos Mubunga Kambere
-  3
-  Olukonjo



Kera kera abambesa basathu mubaghenda eriyasenya esyangwe.



Omwise mwakanya kutsibu neryo baghenda okwalhusi eriyaziha. Mubasatha, n'eripanzalikania amaghetse.



Neryo bamabulikira obuthuku bwamabirira.
Bamathibitha erisuba eka.



Babere bakendiyahika eka, Nozibele amahira ebyalha biwe omwabikya. Amasanga inyabirisigha ekikwangyi kiwe. “Banithu musubule naghe!” amayisengerezia banywani biwe. Ibo bamaghana, bathi obuthuku bwamira.



Neryo Nozibele mwasuba okwalhusi kwiyuwene. Mwabana ekikwangyi kiwe neryo amalengesya erithibitha eka. Athalyahika eka, mwathalha omwamwirima.



Omwamwirima mwalhangira ekyererezi kikalhwa omu kanyumba. Mwathibithayo neryo amahika okwa Ihuyi.



Nerisweka linene, embwa yamakyungulha olhuyi kandi yamabugha yiti, “wuka higha ki?” “Nathere, ngarondaya aheriwotsera” Nozibele mwasubamo. “Ingyira ngaleke erikulhuma” embwa yithya. Neryo Nozibele mwingira.



Embwa muyabugha, “Unyitsumbire”. “Nikwa ibwa kasindinathatsumbira w’ambwa” Nozibele mwasubamo. Embwa yamamusubirya yiti, “Tsumba ngaleke erikulhuma”. Nozibele mwatsumba ebyalya by’embwa.



Embwa muyabugha yiti, “unyisesere engyingo yaghe”. Nozibele mwasubiryayo athi, “singalinatasesera embwa yangyingo”. Embwa yamusubirya yiti, “sesa engyingo ngaleke arikulhuma”. Nozibele nobuba mwasesa engyingo.



Bwanakya bulikiro inyatsumba, inyabirya, neryoya ebindu byaw'ambwa. Kiro kighuma, embwa yamabwira Nozibele yiti, munabwire ngayabalhamira banywani baghe. Ubiraye enyumba, wutsumbe ebyalia byaghe, kandi woghaye nebindu byaghe ngathali nasubulha.



Embwa yanabere yabirihulhuka, Nozibele mwatsupa esyanzwiri isathu erilhwa okwamuthwe wiwe. Mwahira olhuywiri lhughuma ahisi yengyingo, olhundi enyuma y'olhuyi nolhundi omwa lhughuthu lw'ebisoro. Neryo mwathibitha eka ewabo lhubalhuba.



Embwa yabere yikasubulha, yamasondia Nozibele.
“Nozibele ulihayi?” embwa yamabirikira.
“Nganehano ahisi yengyingo” olhuywiri
olhw'erimbere lhwamabugha. “Nganehano enyuma
yolhuyi”, olhuywiri lhwakabiri lhwamabugha.
“Nganehano omwa lhughuthu lhwebisoro”
olhuywiri lhwakasathu nalhwo lhwamabugha.



W'ambwa neryo mwaminya Nozibele kwabiri musatha akasatho. W'ambwa mwathibithira iwuma omwakyalo. Akahikayo akasangana baghala babu Nozibele ibanalindire nemigho. Iya W'ambwa mwabinduka, nerithibitha hali, kandi syalyatasubulha erilhwira naho.



Global Storybooks

globalstorybooks.net

Nozibele haima Nesya Nzwiri Isathu

 Tessa Welch

 Wiehan de Jager

 Amos Mubunga Kambere

